

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
**GRAD ŽIVINICE**  
**GRDONAČELNIK**

Broj: 01/2-04-89-2769/24  
Živinice, 29.11.2024. godine

Na osnovu člana 75., a u vezi sa članom 72. Zakona o državnoj službi u Tuzlanskom kantonu ("Službene novine Tuzlanskog kantona", broj: 11/24 – Prečišćeni tekst) i Pravilnika o unutrašnjoj organizaciji i sistematizaciji radnih mjesta u organu uprave Grada Živinice – Prečišćeni tekst ("Službeni glasnik Grada Živinice", broj: 10/22, 8/23, 4/24 i 11/24),  
Gradonačelnik Grada Živinice o b j a v l j u j e:

**JAVNI OGLAS**

**za prijem namještenika u radni odnos na neodređeno vrijeme u organ uprave Grada Živinice**

**1. NAZIV RADNOG MJESTA**

**01. Viši referent za obradu podataka i plaćanje u Službi za lokalni ekonomski razvoj, finansije i trezor, Odsjek za budžet, finansije i trezor,**

..... **1 (jedan) izvršilac.**

**2. OPIS POSLOVA RADNOG MJESTA**

**Pozicija 01. Viši referent za obradu podataka i plaćanje u Službi za lokalni ekonomski razvoj, finansije i trezor, Odsjek za budžet, finansije i trezor:**

- vodi knjigu KUF-a u Odsjeku,
- prijem i kontrola ugovora o cesiji,
- vodi evidenciju plaćanja,
- vrši obračun i plaćanja komisija, ugovora o djelu i privremenih i povremenih poslova,
- priprema naloge za realizaciju sredstava gradskih službi,
- kompletira dokumentaciju žiro računa gradskih službi i urednu dokumentaciju (izvode) predaje na knjiženje,
- odgovoran je za ažurnost i pravilnost knjigovodstvene evidencije,
- odgovara za zakonito, ažurno i blagovremeno obavljanje poslova i zadataka,
- obavlja druge poslove po nalogu pretpostavljenog rukovodioca.

**3. OPĆI I POSEBNI USLOVI ZA OBAVLJANJE POSLOVA RADNOG MJESTA**

U radni odnos u organ državne službe na radno mjesto namještenika može biti primljeno lice koje ispunjava sljedeće opće uslove propisane odredbama člana 77. Zakona o državnoj službi u Tuzlanskom kantonu ("Službene novine Tuzlanskog kantona", broj: 11/24 – Prečišćeni tekst):

- da je državljanin Bosne i Hercegovine,
- da je stariji od 18 godina,
- da je zdravstveno sposoban za obavljanje poslova utvrđenih za to radno mjesto,

- da ima vrstu i stepen školske spreme potrebnu za obavljanje poslova radnog mjesta prema Pravilniku o unutrašnjoj organizaciji,
- da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini,
- da nije obuhvaćen odredbom člana IX.1. Ustava Bosne i Hercegovine.

Pored općih uslova, kandidat treba ispunjavati i sljedeće posebne uslove koji su propisani Pravilnikom o unutrašnjoj organizaciji i sistematizaciji radnih mjesta u organu uprave Grada Živinice – Prečišćeni tekst ("Službeni glasnik Grada Živinice", broj: 10/22, 8/23, 4/24 i 11/24):

**Pozicija 01. Viši referent za obradu podataka i plaćanje u Službi za lokalni ekonomski razvoj, finansije i trezor, Odsjek za budžet, finansije i trezor:**

- SSS – društvenog ili tehničkog smjera,
- najmanje 10 (deset) mjeseci radnog staža ostvarenog nakon završene navedene stručne spreme,
- položen stručni ispit za rad u organu državne službe.

#### 4. PRIJAVLJIVANJE NA JAVNI OGLAS

U svrhu dokazivanja ispunjavanja uslova, kandidat je uz prijavu na Javni oglas za navedeno radno mjesto namještenika u organu uprave Grada Živinice, dostavljenu na obrascu koja je prilog ovog Javnog oglasa (prijavni obrazac), dužan dostaviti sljedeću dokumentaciju (orginal ili ovjerena kopija, s tim da ovjera ne smije biti starija od šest mjeseci od dana isteka roka za prijavu na Javni glas):

- Izvod iz matične knjige rođenih;
- Uvjerenje o državljanstvu BiH (ne starije od šest mjeseci od dana isteka roka za prijavu na Javni oglas);
- Diploma ili svjedočanstvo o završenom obrazovanju – SSS/VŠS ili VSS;
- Dokaz o radnom stažu nakon završene *priložene* stručne spreme;
- Dokaz o položenom stručnom ispitu za namještenike za rad u organima državne službe;
- Ovjerena izjava da kandidat u posljednje dvije godine od dana objavljivanja Javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Bosni i Hercegovini;
- Ovjerena izjava da kandidat nije obuhvaćen odredbom člana IX. 1. Ustava Bosne i Hercegovine;
- Uvjerenje o općoj zdravstvenoj sposobnosti za obavljanje poslova radnog mjesta (***izabrani kandidat dužan je prije stupanja na rad dostaviti ljekarsko uvjerenje o zdravstvenoj i psihofizičkoj sposobnosti za obavljanje poslova radnog mjesta traženog javnim oglasom***);
- Uvjerenje o nevođenju krivičnog postupka (***izabrani kandidat dužan je prije stupanja na rad dostaviti navedeno uvjerenje***).

#### 5. NAPOMENA ZA KANDIDATE

- *Odredbom člana 82. stav (4) Zakona o državnoj službi u Tuzlanskom kantonu ("Službene novine Tuzlanskog kantona", broj: 11/24 – Prečišćeni tekst) propisano je da lica sa srednjom školskom spremom koja za vrijeme procedure prijema u radni odnos u organ državne službe imaju navršen radni ili pripravnički staž u trajanju od šest, odnosno devet mjeseci od dana sticanja više školske spreme, a nisu položila stručni ispit, mogu se primiti u radni odnos, ali su dužna položiti stručni ispit najkasnije u roku od šest mjeseci od dana prijema u radni odnos u organ državne službe. U vezi sa citiranom zakonskom odredbom, kandidat koji bude izabran, a nema položen stručni ispit za namještenike, dužan je isti položiti u zakonom propisanom roku.*
- *Kada se radi o prvom zapošljavanju u organima državne službe, namještenik podliježu obavezi probnog rada koji traje tri mjeseca.*

- U slučaju da namještenik ne položi stručni ispit u propisanom roku ili mu ocjena probnog rada bude nezadovoljavajuća, bit će doneseno rješenje o prestanku radnog odnosa namještenika, nakon čega će biti izabran drugi kandidat sa Liste uspješnih kandidata.
- Ukoliko određeno lice posjeduje viši nivo školske odnosno stručne spreme u odnosu na vrstu i nivo školske odnosno stručne spreme koja se traži pravilnikom o unutrašnjoj organizaciji i sistematizaciji radnih mjesta u organu državne službe, smatra se da ispunjava uslove koji se odnose na traženi nivo i vrstu školske odnosno stručne spreme.
- Kao radni staž računa se i radni staž ostvaren poslije završene srednje škole, s tim da se u radni staž računa i pripravnički staž, te staž ostvaren kroz stručno osposobljavanje bez zasnivanja radnog odnosa.
- U radni staž računa se i radni staž ostvaren na poslovima višeg nivoa školske odnosno stručne spreme koja se traži Javnim oglasom za konkretnu predmetnu poziciju, s tim da je kandidat dužan priložiti i diplomu o završenom višem nivou školske odnosno stručne spreme.
- Ovjerena fotokopija diplome o završenom visokom obrazovanju na mjestu ovjere nadležnog tijela mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica. Sve ovjerene fotokopije diploma koje ne budu dostavljene na navedeni način biti će odbijene kao neuredne.
- Dokumentacija koju kandidati dostave uz prijavu na Javni oglas, ne vraća se.
- Prijavni obrazac može se preuzeti na službenoj internet stranici Grada Živinice ili na info-pultu organa uprave Grada Živinice. Prijava kandidata koja se ne dostavi na propisnaom obrascu koji je prilog ovog Javnog oglasa ili koja ne bude potpisana, bit će odbačena kao neuredna.

## **6. ROK TRAJANJA JAVNOG OGLASA I ADRESA ZA PODNOŠENJE PRIJAVA**

Rok za prijavu kandidata je 15 dana od dana objavljivanja Javnog oglasa u dnevnim novinama „Oslobođenje”.

Uredno popunjen i potpisan prijavni obrazac zajedno sa dokazima o ispunjavanju uslova koji se traže Javnim oglasom, kandidati su dužni dostaviti u zatvorenoj koverti neposredno ili preporučeno na adresu:

**GRAD ŽIVINICE**  
**Služba za opću upravu, društvene djelatnosti,**  
**boračko-invalidsku zaštitu i raseljene osobe**  
**Ulica Alije Izetbegovića, broj: 28**  
**75270 Živinice**

sa naznakom:

**"Komisija za provođenje Javnog oglasa za prijem namještenika u radni odnos na neodređeno vrijeme u organ uprave Grada Živinice**

– **NE OTVARATI** –"

**Nepotpisane, neblagovremene, nepotpune i neuredne prijave neće se uzeti u razmatranje!**

Dostavljeno:

1. Dnevne novine „Oslobođenje”,
2. Internet stranica Grada Živinice,
3. a/a.

**GRADONAČELNIK**

**dr.sc. Began Muhić**

